

KHOMIXINARA WA SARS U KOMBISA MAYELA NA IKHONOMI LEYI NGA RI KI ENAWINI EKA NTIRHO WA SIKU RA MISAVA HINKWAYO RA KHASITOMO

Pretoria, Ravunharhu ti 24 Sunguti 2020 – Namuntlha Vukorhokeri bya Xibalo bya Afrika-Dzonga (SARS) byi rhurherile ntirho wo tlangela Siku ra Misava Hinkwayo ra Khasitomo, leri khomiwaka emisaveni hinkwayo hi ti 26 Sunguti lembe rin'wana na rin'wana.

Lembe leri, nhlokomhaka leyi hlawuriweke hi Nhlango Misava wa Khasitomo (WCO), i "Khasitomo yi hlohlotella nhlayiso wa nkarhi wo leha wa Vanhu, Ku humelela na Pulanete".

Lembe rin'wana na rin'wana, Siku ra Misava Hinkwayo ra Khasitomo (ICD) ri khomiwa hi Sunguti ti 26, leri ku nga siku leri Khansele ya Ntirhisano ya Khasitomo (CCC) yi nga khoma sexini ya yona ya nsimeko hi 1953. CCC yi tekile vito ro tirha hi rona, Nhlango Misava wa Khasitomo (WCO) hi 1994. Lembe rin'wana na rin'wana, siku ri tlangeriwa ehenhla ka nhlokomhaka leyi hlawuriweke hi Matsalana wa WCO no rhumeriwa eka Swirho swa WCO hinkwaswo swa 180.

Khomixinara wa SARS, Edward Kieswetter, eku hundziseni ka mbulavulo, u vulavurile hi leswi nhlokomhaka yi nga kongomisiwa eka ntirho wa Khasitomo lowu yi wu endlaka ku sirhelela vaaki, eku fambiseni ka vuxavisi no seketela nkulo wa ikhonomi na nhluvukiso, ku katsa no sirhelela mbango.

Hi ku ya hi elemente yo sungula ku nga ku sirhelela vaaki, Khomixinara u vulavurile mayelana na matshalatshala ya SARS ku ololoxa mfambiso wa tinhundzu leti nga ri ki enawini na vanhu emindzilekanini ya hina (ikhonomi leyi nga ri ki enawini).

U vurile leswaku u vuyiserile Yuniti ya Ikhonomi leyi nga ri ki Enawini, leyi a kongomisile eka migingiriko leyi nga ri ki enawini yo fana no ngungumerisiwa ka fole, mitundzo leyi nga ri ki enawini, tinhundzuencyeto, na swo tala yi tirha kusuhi na tiejensixinakulobye tin'wana to fana na NPA, naswona se ku humelela ku sungula ku voniwa. Leswi swi vi le nete ya ntsengo wa R 2.6 billion leyi nga swibalo leswi vuyiseriweke ku sukela ti1 Dzivamisoko 2019.

“Halatlhelo vuyiselo wa mali ya tiko i wa nkoka eku hlamuleni ka ikhonomi leyi nga ri ki enawini, hi engeterile matshalatshala ya hina hikambirhi eku tekeni no susa swikumiwa leswi nga ri ki enawini leswaku swi nga hangalasiwi, hi ku kavanyeta mitirho ya lava nga tinyiketela ku tekela ehnsi milawu na swinawana swa hina.

U vurile leswaku i xikongomelo xa SARS ku twisisa ku antswa ikhonomi leyi nga ri ki enawini, naswona hi ku endla tano, ku tumbuluxiwa tshaku leri faneleke ro tiyisa tiphurogireme leti nga kona leti nga ta tirhana na yona endzeni ka xileriso xa SARS.

Ku na xilaveko xa nkoka xo lava ku tirhana na migingiriko hinkwayo leyi nga ri ki enawini leyi sunguleke mpimampima wa vugevenga lebyi nga amukelekiki. SARS leyi ku nga muhlayisi wa vuxokoxoko bya xihundla, yi mbhonyerile ntlakuko eka nghingiriko wa vugevenga lowu kongomisiweke eka vatirhi va yona, leswi katsaka ku yiviwa ka vuxokoxoko bya xihundla na tilepithopo. Handle ka swiendlo leswi swa vugevenga sisiteme ya hina a yi se tshoviwa naswona vuxokoxoko bya hina bya ha tshamisekile no sirheleleka. Swi vi le swa nkoka swinene leswaku ku lwiwa na migingiriko leyi ya vugevenga.

- Mbulavulo wa Khomixinara wu nga kumiwa [laha](#).
- Ku kuma mbiko lowu averiweke eka Siku ra Misava Hinkwayo ra Khasitomo eka ntirho wa ikhonomi leyi nga ri ki enawini, [tlilika laha](#).